

PEIJ KO AN IJO JIKUMꞤ ILO PACIFIC

ENNAAN AN RITŌL AN ERIA

Liāp Kōn KōjeraamꞤan ko Indeeo Kōn Bujen ko Ad ippān Irooj

Jān Elder Benjamin Sinjoux

Eria Jijilimjuonñoul eo



Elder Benjamin Sinjoux

“Bwe kōn an Anij yokwe laꞤ, Ear letok juon wōt Nejin Ear keotak, bwe jabde-wōt eo ej lōke E en jab jako, a en mour indeeo” (Jon 3:16).

EkanooꞤ jlap aō kamꞤoolol nān JemedwōꞤ Ilañ kōn iakwe eo eweppān An nān aolep ajri ro Nejin.

Elōn iaad jej dipuk jet apañ ko reppen ilo mour in. Juon iaan men ko reꞤꞤap tata an men kein ej ñe juon eo ejitōn bōro ej mej ālkin ekanooꞤ lōñ iiō ko kōn iien ko rekamꞤōꞤōꞤ ippān doon. Menin emaroñ eñjake āinwōt jab jouꞤ jān Anij, bōtaab ilo mꞤool, ej juon mālijjoñ ekwojarjar an mour jān juon JemedwōꞤ Ilañ eo ej iakwe me ekōṅaan bwe jen eddōꞤꞤok ilo tōmak bwe jen maroñ erom āinwōt E.

Ad Irooj Jisōs Kraist eaar kwaꞤok Ankilan nān rikanaan Josep Smith, eo eaar eñjake ebbweer ilo inepata ko ad reppen ke eaar jijet, kalbuuj ilo Liberty jail.

“Im eꞤaññe renaaj joꞤok eok ilo roñ eo, ak ilo pein riuror ro, im jemꞤok in mej ej likūt ioom; eꞤaññe renaaj joꞤok eok ilo mwilaꞤ eo; eꞤaññe ṅo nīrñir ko rej pepe ṅae eok; eꞤaññe kōto kajoor ko rej erom am rikōjdāt; eꞤaññe lañ ko rej nijōꞤꞤok, im aolep lañ in kobban rej koba nān pineꞤ iaꞤ eo; im ilōn in

aolep, eꞤaññe atlaꞤ im atlōn ko in hell rej kanooꞤ eꞤlañ ilokamꞤ, kwōn jeꞤā, nejū māan, bwe aolep men kein otem-jeꞤok renaaj lewōꞤ nān eok imminene, im naaj nān emꞤanꞤok eo am.

“Eo Nejin Armej eaar wanlaꞤꞤok iumꞤ-wier aolep. Kwe kwo jlapꞤok jān E ke?

“Kōn menin, pād wōt ilo iaꞤ eo am, im priesthood eo enaaj pād wōt ippamꞤ; . . . jab mijak ta armej emaroñ kōmꞤan, bwe Anij enaaj pād ippamꞤ indeeo im indeeo” (Katak im Bujen ko 122:7–9).

Ilo juon iien loꞤok an jeral in karejar, kōm kar iloꞤ nān juon emꞤ ijo Ꞥeo pālele eaar mej; eaar jeral tiljek āinwōt juon ritōl an Kabuñ in. Lio pāleen jītōn bōro kar mālijjoñ ilo eñjake nān juon joñan eo me liin eaar jidik kōn jidik jerwane tōmak eo an im ikdeelel eo nān etal nān Kabuñ; ajri ro nejin raar Ꞥoor eo jinier nān jāniknik. Ke kōm kar koba ippān baamꞤe in ilo jibboñ in eo

kōm kar loꞤok, leddik ro nejin im ajri ro jibūn raar koba, kōm kar kwaꞤok iakwe eo an JemedwōꞤ Ilañ im Jisōs Kraist nān kajjoꞤo iaer.

Kōm kar kakeememeꞤ sister eo ejitōnbōro kōn bujen ko rekwojarjar e im Ꞥeo pāleen raar kōmꞤani jet iiō ko mꞤoktaꞤok ilo tampeꞤ eo ekwojarjar an Irooj. Naan in kaenōmꞤan ko am, kar rejtaꞤi jān pād eo emꞤan an Jetōb Kwojarjar eo im iakwe eo am emꞤool nān e āinwōt būratōr ro an ilo gospel eo, kar kōmeraik būruwōn im liin eaar lañlōn ke ememꞤokꞤen ko remꞤan kōn liāp eo an ilo tampeꞤ eaar kobrak ꞤōmꞤak eo an im būruwōn.

Kaiñi in tampeꞤ ko ad im bujen ko emꞤwilaꞤ aer ekwojarjar im rej lukkuun in kwaꞤok in iakwe eo an JemedwōꞤ Ilañ nān kōꞤ. KōjeraamꞤan ko raibooꞤ-oj kar kallimꞤuri kōꞤ kaki kōn bujen kein rekwojarjar renaaj kūrꞤool wōt ilo ad pād wōt ilo tiljek māe jemꞤokin.

Ij kamꞤool bwe bujen ko jej kōmꞤani ilo iien peptaiꞤ, ñe jej bōk priesthood eo ekwojarjar, im kaiñi ko kadedeꞤokꞤi ilo tampeꞤ eo, rej ekkejellꞤok nān kōjeraamꞤaan ko reꞤꞤap tata Irooj eaar kōpooꞤi nān kōꞤ. Kōn tiljek pokake eo ad nān bujen kein ilo ad niknik nān jemꞤokin, jenaaj bōk aolep kōjeraamꞤan ko kar kallimꞤur kaki an Irooj.

Pathway eo ñan juon Mour in Ekkatak

*Armej ro Rekwojarjar ilo Pacific rej
kwaļok eñjake ko aer kōn Pathway
Connect eo.*

Eute Kareketaake

*Juon Ilju im Jekļaj eo Eromaakļok
ñan Baamle eo Aō.*

Eta in Eute Kareketaake. Ej 24 iiō detta im kōttōpar eo aō ej ñan erom juon social worker ej kuļobae. Eñjake eo iṃaan tata kōn iakwe im kea eo an juon social worker ilo juon iien epen ilo mour eo aō im jan iien eo kar iṃwe eō ñan jermal jab in.

Ke sister eo aō im ña kar dik kar jilkinļok kōm ñan United States ñan mour ippān kōrā eo enej jinem im etal ñan jikuul. Kōm kar kaṃṃool-ol kōn juon iien emṃanļok ilo jikin jikuul, bōtaab kōrā eo nej jinem eaar jab aolep iien kōjparok kōm. Ilo juon iien liin eaar etal ettoļok ilo juon aļete (holiday) im likūt sister eo aō im ña ilo ṃweo kōm make. Juon ekijoñ im lale kōm kajjojo raan, bōtaab kōm kar kanooj in dik im lukkuun in mijak kōn am make iaam.

Eaar pen aō kiki ilo boñ im ñe ij kiki ilo kūlaaj ilo jikuul rūkaki ro raar kajjitōk etke iaar lukkuun in kanooj ṃōk. Iaar jab jeļā bwe jekjek eo am eaar kanooj in jab emṃan im kar bwilōñ kōn jekjek in aer eñjake kōn

Iaar kwaļok ippān baamle eo bwe kiiō epaak ekar jako lio pāleō, im bwe eaar kanooj ļap aō oñ kake e aolep raan. Jako in eļap ej juon inene eo inaaļ aikuj in ineke ṃae iien inaaļ eļļāļok ñan mour eo tok juon bōtaab iaar kwaļok ippāer kije eo aō ñan wōnṃaanļok wōt in jermal ñan aō Rilōṃṃoṃ kōn aolepān būruwō ṃae jemļokin, jeļā bwe juon raan, inaaļ iion lio pāleō ejitōnbōro bar juon alen im kōm naaj mour ippān doon kōn lañlōñ im ṃōñōñō indeeo.

Ke kōm kar wōnṃaanļok wōt ilo jermal in karejar eo ippān baamle in emṃan, kōm kar kaṃool kōn pein tūraṃo ko an Rilōṃṃoṃ eo rej erļok, im kūr eo an ñan er ñan bar rōoltok ñan jar im lemōñōñō kōn kōjeraamṃan ko an gospel eo. Iaar oktakļok ñan kajjojo ro uwaan baamle eo, ijjino ippān eo jinen, im kar ba:

“Kwoj ke bōk kūr in jān ad Rilōṃṃoṃ?” Kwonaaj ke etal ñan kweilok in kwojkwōj eo ilo Jabōt ko?

Kajjojo iaer raar bōk kūr eo. Āinwōt rikarejeran ro rettā an Irooj, būruwōm ekar obrak kōn lañlōñ ke kōm kar kaṃool an jetōb kein raar ukweļok bōk buñtōn ko ñan itok ñan aer Rilōṃṃoṃ! Iaar eñjake an lañ lemōñōñō ippām ke kōm kar ekkejel ippān doon, jimor ilo mālijoñ im ilo tōmak.

Ejjab wōt ilo kōmṃani bujen ko rekwojarjar, ak wōnṃaanļok wōt ilo pokake er me rej lukōj kōm ñan ro me rejitōn bōro ippām. Kilaan ko rekajoor an Pinmuur eo an ad Rilōṃṃoṃ im

naajdik tōmak eo ad ejjab bōjrak kōn jar, ekkatak jeje ko rekwojarjar im jermal in jipañ renaaj letok ñan kōj kajoor eo jej aikuji ñan jelmāe aolep apañ ko an mour.

Ad Rilōṃṃoṃ Jisōs Kraist ej lōmṃak kōn aolep ro rej eñtaan. Ejjab bōj-rak An erļok Pein tūraimō im iakwe eo An. Ij kūr aolep ro me rej jelmāe apañ ko reppen ilo mour ko aer, jek-ḍoḍon ta ro remarōñ in, ñan itok ñan Rilōṃṃoṃ eo im lemōñōñō kōn juon kwojkwōj ilo tebōl eo An ilo aṃ bōk ṃōttan kwojkwōj eo kajjojo Jabōt, im kōmṃan im kōjparok bujen ko rekwojarjar ilo tampeļ eo An ekwojarjar. Ilo aṃ kōmṃane menin, kallimur in ej aṃ:

“Kōn menin, jab mōk ilo kōmṃan emṃan, bwe komij likūt pedped in juon jermal eļap. Im jān men ko reddik ej jebarļok men eo eļap. Lo, Irooj ej aikuji bōro eo im lōmṃak eo emōñōñō; im ro remōñōñō im pokake renaaj ṃōñā men ko remṃan jān āne-en Zaion ilo raan kein āliktata” (Katak im Bujen ko 64:33–34).

Ij kaṃool bwe bujen ko jej kōmṃani ilo iien peptaij, ñe jej bōk priesthood eo ekwojarjar, im kaiñi ko kadedeļoki ilo tampeļ eo, rej ekkejellok ñan kōjeraamṃan ko reļļap tata Irooj eaar kōpooji ñan kōj. Kōn tiljek pokake eo ad ñan bujen kein ilo ad niknik ñan jemļokin, jenaaj bōk aolep kōjeraamṃan ko kar kallimur kaki an Irooj, ilo āt eo ekwojarjar etan ad Irooj Jisōs Kraist, amen. ■



Ilo 2017 eo iaar mareik Ijo pāleō eo eaar juon eo eaar rōōl jān mijen nān Kabuñ eo an Jisōs Kraist im Armej ro Rekwjarjar ilo Raan-ko Āliktata. Ālkin juon eñjake eo ekwojarjar emman ijo jetōb eo eaar kapen mool eo kōn gospel eo nān nā, iaar peptiaj.

Pukōt gospel eo eaar juon buñtōn kilelep maan-ļok nān bōk kōttōpar ko aō ilo jeļāļokjeņ. Kabuñ in ej kaorōk jeļāļokjeņ joñan eo wōt me ij im kar letok ekanooj ļap rejtak āinwōt 'Pathway' būrookraam eo, eo ekapidodo-ikļok nān armej ro ilo jabdewōt jekjek nān bōk juon jeļāļokjeņ. Iaļ eo eaar

jab pidodo, bōtaab iaar ekkatak bwe ñe Anij ej letok juon kien nān ajri ro Nejin, Enaaj aolep iien kōpooj juon iaļ jimor ilo kamminene im ilo jetōb.

Pathway būrookraam eo ej juon uwaak in kamminene nān ikdeelel eo aō nān katakin im kar leļok nān Ijo pāleō im nā ekanooj ļap jān baj juon iien emman nān kōļapļok jeļāļokjeņ eo am. Kōm kar ekkatak kōn uññarepeid make im mōņōņō ilo kadkad ko an baamle, ibwilijin kapeel ko jet raorōk an mour.

uwaak eo aō. Sister eo aō im nā kar intōrpiu jān social worker ro im iaar eñjake ellowetak eo aer kōn jerbal eo aer im mool in ikdeelel eo aer nān jipañ kōm. Iaar kōņaan erom āinwōt er im jipañ ajri ro āinwōt kōm ilo ejja jekjek in iakwe eo me raar kōmmane nān kōm. Ikdeelel jab in eaar jab ilok jān nā.

Jekjek eo aō ilo US eaar jab juon iien eo emman ilo jikin jikuul āinwōt

aikuj in kar, bōtaab Anij ej jerbal ilo wāween ko rekabwilōñlōñ im eñjake eo aō kar tōļļok eō nān pukōt ellowetak eo aō ilo mour. Mekarta ikdeelel eo aō eaar wōnmaanļok nān erom juon social worker, iaļ eo nān kōttōpar in eaar jab pidodo; ilo iien ko kar eñjake eban tōprak. Iaar ekkatak, ijo wōt ke, bwe Jemedwōj Ilañ ejeļā ikdeelel ko an būruwōd im ewōr juon karōk nān aolepādwōj.

Barāinwōt letok Pathway būrook-raamꞥ eo, Irooj eaar kaobrak kōm kōn kajoor eo An im Jetōb eo.

Kōm kar eñjake juon ļapļok ilo lōke. Iaar eñjake juon kōketak ekōļokjeņ itok ioō ke eaar iien ñan jutak imaan ro jet kar bōk kuņaer ilo Pathway eo. Ũeo pāleō im ña kar eñjake juon ļapļok ilo kajoor ko am im maroņ ko ñan kōtōbalbal iien ko am ilo māletlet im buuļ jeral ñan maroņ kadedeļok jeral ko am.

Kobaļok ilo pathway eo eaar juon jokāālet epen ñan kōmꞥmane. Ekar ejjeļok nejim laptop im ejjeļok Wi-Fi connection ilo mꞥweo imōm. Kōjek-dꞥon likijab kein kōm kar eñjake pein Anij ilo emꞥmakūt in am, jilkintok ñan kōm kabwilōñlōñ ko reddik im ļam waan ilo aolepān iien ko āinwōt pukōt jikin ko jet ñan kōmꞥmane jeral eo am, ak membōr ro me raar lo kōm ilo etetal laļ ļok eo am ñan ļaiprāre eo im ektake kōm.

Ikōņaan juon ilju im jekļak eo eromaakļok ñan baamļe eo aō. Ijeļā an ļapļok jeļāļokjeņ enaaj letok ñan baamļe eo aō juon iien eļapļok ilo jeraamꞥman im ũññare-peid make. Ijeļā bwe Jemed Ilañ, Jisōs Kraist im Jetōb Kwojarjar eo raar pād ippām ilo emꞥmakūt eo am im kar kōmeraikļok eddo ko am im kōmꞥman bwe ren mera.

Derek Liufau

Ikōņaan erom juon waanjoņak ñan ajri ro nejū.

Āinwōt juon jodikdik, iaar jab kaorōk jeļāļokjeņ eo aō ilo mꞥool

āinwōt iaar aikuj in. Iumꞥwin ruwalitōk allōñ ko ilo 2018 eo lio pāleō kar aikuj in bōk eddo in ajro ro emen nejim kōn e make ilo wiik eo, barāinwōt eo ej bōk eddo in rikake, ke iaar etal ñan



Derek im baamļe eo an

police college eo ñan erom kułobae (qualify). Menin eaar kanooj in juon iien eo epen ñan baamle eo aō; im iaar kile ilo tōre eo ewi aorōk in ñan bōk juon jełāłokjeñ.

Ajir ro nejū raar un lelep in ellowetak eo aō. Iaar kōñaan kōłap-łok jełāłokjeñ eo aō im kōmmane juon waanjoñak emmanłok ñan er. Ikōñan bwe ren lo bwe ejjab rumij ñan ekkatak im bwe ejjab bwe ad ekatak. Jekdoqon ta ewi rüttowad, an łapłok jełā im jełāłokjeñ ewōr ippād, elōñłok iien ko remman renaaj peł-łoktok ñan kōj.

Lio pāleō eaar kōketak eō ñan kobałok ilo Pathway Connect eo ippān im ij kanooj in mōñōñō bwe eaar. Iaar mijak ilo jino in kōnke ijjañin kar ekkatak iumwin 10 iiō, bōtaab eaar jako aō eddōkłok ilo jermal eo iaar pād ie, kōn menin ippān doon ippān lio pāleō, kōm kar bōk juon jermal in tōmak im kobałok.

Kōn Pathway būrookraam eo iaar ekatak kilen katak. Iaar ekkatak ekōjkan kōtōbalbal iien eo aō ilo māletlet im iaar bōk juon dettan ekilep an lōke ke iaar lo bwe ippān Anij, ejjelok men epen. Ewōr wōt juon aō iiō ñan kadedelok associate degree eo aō ilo kaminene in police eo aō im ijjab łōm-ñak in bōjrak ijo.

Jemedwōj ilo Lañ ejełā aolep men. Ełāñne jej kajjieoñ ñan erom-łok aīnwōt E, innām jibadbad eo ad kōn jełāłokjeñ im mełełe raikuj in jab bōjrak.



May im leo pāleen



May Purcell

Keememej aorōk eo am, kwoj juon jiroñ nejin Anij.

Ilo 2016 eo leo pāleō im ña kar kōmman kōqonjeł ilo m̄are. Eaar bōjrak aō etal ñan Kabuñ ilo iien jab eo im iaar kōñaan jepel. Kōqonjełor in

m̄are eo am eaar kajjitōk ippām ñan kōmmane Pathway Connect eo ippān doon. Kōnke eaar juon būrookraam in ekkatak pedped-ilo- gospel eo, liin eaar eñjake bwe kōmmane menin ippān doon enaaj kar jipañ kōn katak ko an gospel eo dełoñ ijo emwilał tata ilo būruwer.

Łōmñak eo aō m̄oktata eaar, “o jaab, en jab bar juon būkookraam an Kabuñ,” bōtaab iaar aolep iien kōñaan kōłapłok jełāłokjeñ eo aō kōn menin

iaar ba inaa kajjieoñ im lale ekōjkan an kōmman.

Kōm kar jab bar jenlik!

Pathway eo eaar jipañ dāpij mare eo am, kar rejtake eō ilo aō bar rōol ñan niknik ilo Kabuñ in im likūt eō ilo iaļ eo aō ñan juon ekkatak tōon-wōt aō mour.

Jeļāļokjen ewōr an kajoor ñan rupe iminene ko. Iaar rūttoļok ilo juon iaan jikin ko eļap tata an jerata ilo ikitōltōl ilo Sydney. Iaar jepool jān epepen ko rejeramōl, ejjeļok kōjatdikdik im aolep men ko rej mōttan mour. Kade- deļok Pathway eo eaar jipañ eō lo bwe eaar aō eddo ñan kappukōt ļap in jeļāļokjen eo me imaroñ in kar ñan epepen eo tok juon.

Ij kab jino jemejta eo aō kein kajuon ilo BYU-Idaho (online). Ij kiiō ekkatak ñan juon bachelor degree ilo applied management im kōttōpar eo aō eļap tata ej ñan jino im kōmmane juon bejnei ippān ļeo pāleō.

Pathway eo ej ilo mool ñan aolep! Iaar jab ekkatak iumwin 20 iiō ko ke iaar jinoe, kōn menin aet ekar lōñ aō pere ñan anjō ioer bōtaab iaar borāinwōt eñjake pein tōl eo an aō Rilomqor Jisōs Kraist, ilo aolepān buñtōn ko.

Ilo aō kar ekkatak wōt ilo Pathway Connect eo, juon jermal eaar peļļok ilo jikin jermal eo aō. Eaarjuon jermal eo iaar aolep iien kōnaan bōtaab ke iaar lo bwe ej juon university degree eaar menin aikuj, iaar jeļā eaar ejje- ļok aō maroñ. Iaar jujurļok ilo jino in bōtaab eaar alikkar imweo jān Jetōb

Kwojarjar ñan kanne ñane jekdōon ta. Iaar eñjake āliklik ñan kanne āinwōt aō kar jeļā jet iaan ro jet raar kanne im ewi joñan aer kar māletlet. Iaar bwilōñ ke iaar bōk juon intōrpiu, bōtaab iaar jab wōt ļomnak eaar wōr aō iien. Iaar kanooj in ikūmkūm mōktak wōt jān intōrpiu eo aō joñan iaar kāālet ñan jar. Ke iaar, juon eñjake in ineemman

im iakwe eaar kalibubuik eō, im iaar roñ an jetōb eo ba:

“Keememej aorōk eo am, kwoj juon jiroñ nejin Anij.”

Iaar bōk jermal eo ilo jemļokin, bōtaab kōjeraamman jab eo eaar kein karuo ñan naan in kamool eo aō iaar bōke raan jab eo kōn iakwe eo an Jisōs Kraist im kajoor eo An ejjeļok joñan. ■

Inaaļ Ilqok Ijo Kwoj Kōnaan Bwe Ñain Ilqok

Victoria Laouto



Ekkatak ñan kile ainikien eo edik an Jetōb.

Iitinņo eo ñan jermal in mijenede ej jetōb. Ñe ewōr ippam jetōb eo, aolep men rej jermal weppān ilo jemļokin, jekdōon eļañne ilo iien ko iaļ eo jab meļeļe kake.

Ij juon rioktak ñan Kabuñ eo an Jisōs Kraist im Armej ro Rekwojarjar ilo Raan-ko Āliktata. Baamle eo aō kar kobatok ke iaar joñouljuon iiō detta im iaar lakar pen wōt ilo kabuñ in jān tōre eo. Ikar kijooror in jerbale juon mijen ilo lo 2014 eo kar kūr ñan jermal ilo Mississippi Jackson Mijen eo. Erom juon eo ej jermal aolep raan ilo jermal eo an Irooj eaar juon iien ekabwilōñ-lōñ im iaar iakwe aolep kajjojo raan bōtaab, enañin 5 allōñ ko mōkta jān an jemļok mijen eo aō, iaar lukkuun in nañinmej.



Taktō ro raar jab maroñ in lo ta eo eaar jorrāan ippa. Iaar jab maroñ meme ak kōddelep im kar ilōk ilo jab mōñā iumwin elōñ raan ko. Jet iien ikōn maroñ kañ jidik mōñā kijēn niñ-niñ ak mōñā ko jet repidodo bōtaab ekar ede ko. Barāinwōt menin eaar wōr mōñāñlōñ, metak bar im metak bōro. Ejeļok iaan uno ko kar kōmālimi kar jipañ im iaar luuji eļap baun ko joñan mijen būreejtōn eo aō eaar mijak bwe eaar wōr juon men enana emaroñ kar waļok ñan ña. Kar jokāalet bwe iaar aikuj in jepļaak ñan ijo jikū.

Kōn lukkuun in nañinmej eaar lukkuun in apañ eļap tata kōnke eaar ejeļok jabdewōt un ak uwaak in nañinmej eo. Kōn aolepeān būruwō, iaar kōñaan kadedeļok mijen eo aō. Iaar akweļap ippān Irooj ñan kemour eō. Iaar lukkuun in riit jān kōjeraamñan in petriak eo aō ke iaar kajjieoñ in meļeļe ta eo Anij ekar kōñaan ñan ña. Iaar jokāalet ñan kajjitōk kōn juon kōjeraamñan an

priesthood jān mijen būreejtōn eo aō. Ilo iien kōjeraamñan in iaar eñjake juon kañool emñan bwe Jema Ilañ eaar jeļā kajjiō, Nejin jiroñ. Eaar jeļā bwe ikdeelel eo aō emool ñan jermal ñan E ekar meļeļe in bwe inaj kar mōñōñō in ilōk jekdoñon ia eo Eaar kajjitōk ippa ñan ilōk im bwe kōnke kōn menin, jar eo aō emool ñan kadedeļok mijen eo aō eaar uwaak.

Juon allōñ ālkin aō jepļaak ñan Vanuatu, eaar bwe an emñanļok aō pād ñan jermal bar juon alen im kadedeļok allōñ ko aō 18 ilo jikin eo aō. Iaar emñakūtļok ñan juon eria ekāal me eaar wōr elder ro ie mōktaļok. Eo mōtta eaar kāaltok jān MTC kōn menin kōmro jimor kar kāal ñan eria eo. Ekar lōñ jermal ko ñan kōmñani. ■



